

Samwele aponi kosalela Yehova

1 SAMWELE MOKAPO 1-3

SAMWELE AZALAKI MWANA MOKE NTANGO AKOMAKI **MONAZIRI**. AKATAKI NSUKI NA YE TE MPE ASALELAKI YEHOVA **MOSALA MOKO YA NTINA**.

SAMWELE,
OKOTIKALA AWA?
OKOBANDA KOSALELA
YEHOVA MPE KOFANDA
AWA NA **TABERNAKLE**.

EE.
**TOKOMONANA
LISUSU
MINGI TE!**

EE, MWANA NA
NGAI TOKOBANDA
KOMONANA LISUSU MINGI
TE! OZALI KOYEBA LISUSU
NTINA OYO **OSENGELI
KOBANGA TE?**

EE. SOKI
**NAKANGAMI NA
YEHOVA**, YE MPE
AKOKANGAMA
NA **NGAI**.

NKOMBO NA
NGAI **ELI**, NAZALI
NGANGA-NZAMBE
MONENE. SAMWELE ZALA
MAYELE, MBALA MOSUSU
OKOPESA MABOKO
NA MOSALA OYO!



NSIMA YA BAMBULA, SAMWELE AMONAKI ETE **BATO NYONSO TE** NDE BAZALAKI KOLINGA YEHOVA NA TABERNAKLE. ATA BANA YA ELI OYO BAZALAKI MPE **BANGANGA-NZAMBE**, BAZALAKI **KOTOMBOKELA** BATO MPE KOSALA MAKAMBO YA **MABE**.



BANA YA ELI BAZALAKI **KOTOSA** YEHOVA **TE**, BAZALAKI **KOYIBA** BAMBEKA YA YEHOVA MPE BAZALAKI KOSALA **PITE**. KASI ELI AZALAKI **KOPEKISA BANGO TE**, ATA NTANGO MOSAKOLI MOKO AYEBISAKI YE ETE YEHOVA ALINGI KOPESA ELI NA BATO YA NDAKO NA YE ETUMBU.



MBULA NYONSO, BABOTI YA SAMWELE BAZALAKI KOYA KOTALA YE MPE KOPESA YE KAZAKA EZANGÁ MABOKO.

MAMA! PAPA! BOYEI.

LIKAMBO NINI SAMWELE?

OYEBISAKI NGAI TABERNAKLE EZALI ESIKA MOSANTU. KASI BATO MINGI AWA BAZALI KOSALA MAKAMBO YA MABE MPENZA.

KASI, YO OSENGELI KOKOBA KOSALA MAKAMBO YA MALAMU...

NAYEBI, NAZALI KOMEKA.

NAYEBI, MWANA NA NGAI. YEHOVA MPE AYEBI. AZALI KOMONA MAKAMBO NYONSO.

LIBOSO, NAZALAKI KOYOKA MPASI MPO NAZALAKI KOBOTA TE.

KASI YEHOVA AYOKAKI LIBONDELI NA NGAI —APESAKI NGAI YO! YEHOVA ASUNGAKA BANINGA NA YE.

SENGÁ YEHOVA ASALISA YO, NGAI NA PAPA NA YO TOKOSAMBELA MPE MPO NA YO.

OLOBI SOLO MAMA, MERISI.

NTANGO SAMWELE AZALAKI KOKOLA AKÓMAKI **MOSALELI YA YEHOVA YA SEMBO**. NA LISALISI YA YEHOVA, AZALAKI NA **ESENGO** ATAKO BATO MOSUSU BAZALAKI KOSALA MABE.



MOKOLO MOKO, YEHOVA APESAKI SAMWELE **MOSALA MOKO YA NTINA**. ALOBAKI NA SAMWELE.


SAMWELE!



SAMWELE!



LOBÁ, MPO
MOSALELI NA YO
AZALI **KOYOKA**.



LOKOLA SAMWELE **APONAKI KOSALELA YEHOVA** ATAKO BATO MOSUSU BAZALAKI KOSALA MABE, YEHOVA **APESAKI YE FORMASYO MPE MOSALA MOKO YA NTINA**.

MAKAMBO NINI TOYEKOLI NA LISOLO OYO?

MPO NA NINI EZALAKI **MPASI** MPO ELENGE SAMWELE ASALELA YEHOVA?

LISALISI: 1 SAMWELE 2:12, 17.

MPO NA NINI YEHOVA APONAKI **SAMWELE** AZALA MOSAKOLI?

LISALISI: 1 SAMWELE 2:26.

ATAKO BATO MOSUSU BAZALI KOSALA MABE, NDENGE **OKOKI** KOSALELA YEHOVA?

LISALLISI: NZEMBO 26:9-12.